

35.3.14.
SOMNIVM HIPPONENSE

S I V E

De controuersijs Theologicis
modernis

AVGVSTINI
IVDICIVM
RELATORE

PHILETYMO S. T. Baccal. Formato.



P A R I S I I S.

Sumptibus MATTHÆI GVILLEMOT.

Anno M. DC. XLI:

AD LECTOREM.

Non mirare Lector, scriptum hoc sine Cen-
sura prodire. Si enim nec *Theses* solemnissi-
ma, nec *supplex libellus*, nec *memoriale*, nec *Theses*
Apologetica, neque *appendix ad easdem*, nec *Iansenij*
cenfurarum & inuectivarum consarcinatio,
nec *commentarius ad rem ad rem* dictus, etiam
postea tribus petitionibus augmentatus: si, in-
quam, hæc omnia Censura non egent; quid ea
opus est somnio?





Vid Hippone in Africa nuperè actum sit, volo memoriz prodere. Frustra me respicis cum digito labijs impresso Harpocrates. Non debet silentio perire res tam magna. Dicam quæ vidi, quæ audiui, quibus interfui, quorum pars fui et si non magna. Si vera dicam, agnoscite: si falsa ignorescite quia & ego rationem scio, quâ non mentiar.

Tempus erat, quo prima quies mortalibus agris.

Advenit, & dono Divum gratissima serpit.

Cum tetigit me virgâ valentior somnus. Veris tempus erat: itaque multæ & variæ circum caput meum volitantes umbræ. Donec sub auroram somnium ad me venit longum, firmum, certum: nam rectè aduolare mihi visum è cornea porta. Eius autem hic habitus, hæc forma.

Visus mihi sum Hippone esse apud summum templum. Solitudo primum circa me; inde ut fluctus è mari paulatim surgere visa ingens multitudo Patrum Purpuratorum. Violaceorum, Sacerdotum, Religiosorum, Nudipedum, Calceatorum, Atrorum, Candidorum, omnicolorum. Rectè illis iter ad domum Præfulis Augustini.

Inspexi curiosè, si quis mihi notus. Ecce autem uideo Iansenium comprehensum vndiq; ab Clericis Ætolis instar rei. Ah quo te Pater? inquam, quo te hi laterones? Etiâ rucebam in amplexus. Sed adstans vultuosus aliquis me arcuit. Iansenius verò, vadunt, inquit, me immolatum pro veritate. Sed ò veritas! &

protractus est ultra. Specto intentè sequaces: & te dulcissime video? Inquam ad Eubulū. At ille præter morem sat toruè: tu quis; aut vnde? itaque ergò excidit tibi Philetymus tuus? inquam: an notorem me dare vis? & iam prensabam dexteram; cū ille effusus in me, vigilon? an dormio? & satis acceptum te esse Philetymum meum? Quis Deus autem è Belgis te hic stetit? Huc, inquam, me per somnium duxit somnus. Sed dic Sodes, hanc turbā scis quæ sit? Vah! inquit, turbam tu appellas? Patres sunt Romæ huc legati. Ego intentior iam & attentior; Patres ais? quo autem, & quid? Sanctissimus Dominus, inquit, hoc concilium Hippone apud Augustinum haberi voluit, ut causa Iansenij disceptetur; imitatus Clementem, qui omnes controuersias de *Auxilijs* ab hoc Iudice definiiri voluit. Parabā querere. sed Eubulus me duxit porrò ad vestibulū ipsum domus. Video intrantes Purpuratos. Violaceosq; graviter & cum dignitate: nisi quod vnus circumstrepentibus Ætolis cinctus lectitabat nescio quid, & sermonem intermiscebat. Cæteri intrabant parum decorè. Ego ad Eubulū, eugepè! confusa turba, trudent velut fues: Tam frequentes autem huc missi? Mihi Eubulus, tam frequentes, inquit, quia de summa re agitabitur. Dum fabulamur, turba ecce subito se findit tamquam locum datura transcunticuiquam. Ad me Eubulus, Augustinus adest. Ego admirans nullos ci comites video intimè laneos; extimè lineos. Sed & qui latius ei claudunt, qui? Discipuli, inquit, duo Prosper & Fulgentius. De lineis

quod vis, scio fabulas esse. Sed quid
 sciamus? ait, iam introitum oportuit.
 At ego, etiam tu de hoc Confistorio
 eris? Non, inquit, ut ius dicendæ sen-
 tentiæ habeam; sed Purpuratorum
 vni assecla & à consiliis Theologicis
 sum. Sequere: & simul traxit me tu-
 nicâ tenentem. Non hercle ego,
 non ego, inquam. Metuis? ait. Vali-
 dissimè, inquit: scis nullam hic mihi
 personam esse. Ille ridens, vides, in-
 quit, promiscuam turbam irrumpere:
 tu Lector Iubilatus S. Theologiæ
 quidni possis? Ego igitur sui me tra-
 hi, & intraui. Circumspicio vindi-
 que: nihil culti, nihil ornati, campana
 supellex, famuli pauci, nullum vesti-
 gium alterius sexus. Memineram il-
 lud; *qua cum sorore mea sunt, sorores mea
 non sunt.* Ultrâ progressus alio in con-
 clavi video subsellia satis longa: in
 summo sedentes Purpuratos; inter
 quos notescere mihi cœpit ille, quē
 in aditu Ætolorum examine obles-
 sum videram. Nomen ei ab *antro:fa-*
 cies nuper apud Belgas visâ. Purpu-
 ratis proximi erant Violacei: deinde
 Ordinum Generales: quos inter
 contentio quēdam de ordine sessio-
 nis apparebat. Ætolis quatientibus
 caput, quod Mutium suum obsole-
 torum Ordinum primatibus non-
 dum potuissent prætrudere. Reli-
 quix videbantur controuersix Tri-
 dentinæ. Vir erat Mutius annis gra-
 uis, nec subsellium suum sine Socio-
 rum ope scandere poterat. Dicebat
 Eubulus eum sexto iam *hæro* So-
 cietatem humeris sustinere: *Atlanti-*
cum sanè onus tot spoliis & trophæis
 graue. Post Generales ceteri Reli-
 giosi & Sacerdotes cœcederunt: ple-
 rique pileis violaceis profitebantur
 se Magistros Theologiæ: reliquos

alebat Eubulus Lectores esse, lectis-
 simos omnes Theologos, quippe
 qui magnam partē ætatis in Aristo-
 tele & Scholasticis triuerant. In me-
 dio horum stabat Iansenius habitum
 speciemque Christo comprehenso
 similis. Sedebant verò Partes variè
 murmurantes muginâtesque. Cum
 è loco suo Augustinus silentium
 manu poposset, & impetrauit.

Conticere omnes, inquitque ora tene-
 bant:

Inde Augustinus cathedra sic orsus ab
 alta est.

Quod olim ab Ecclesia mihi delegatū mu-
 nus fuit, ut aduersus hostes gratia veritatē
 Catholicam scribendo assererem, id diuino
 beneficio ita me sperauerâ impleuisse, ut po-
 steritati de genuino Ecclesiæ sensu nulla pos-
 set dubitatio superesse. Tam diffusè enim hoc
 argumentum excentusum ut huius potissi-
 mum causâ mihi aliquando exprobatum
 multiloquium existimem. Sed frustratum
 me spe meâ dolui, cum eas nuper de gratia
 & libero arbitrio controuersias excitatas
 intellexi quasi aut non scripserim omnia,
 aut ita scripserim, ut contentionum tantum
 materiam potuerim præbere. Sed vereor ne
 hoc ipsum rursus in causâ sit, quod Adreme-
 tino Monachos aliquando transuersos egit;
 quod semel lectos libros meos arbitrati sunt
 satis sibi innotescere potuisse; cum si quis
 eos fructuosissimos habere voluerit, cum
 pigere non debeat relegendo habere no-
 tissimos. Verum cum de re tota cognos-
 cendi mihi à Sancta Sede auctoritas delega-
 ta sit, non præoccupabo oratione meâ huius
 controuersie causas: sed ex integro dicentes
 audiam eos, quibus in hoc amplissimo cœtū
 accusandi defendendique partes eadem Se-
 des committendas censuit.

His dictis conuersi sunt omnium
 oculi ad Sociorum turmam; è qua
 surgere visus quispiam, ore niger,
 gladi-

lib. 1. de
 Correp.

gladiatoris laceratis, homo, ut apparebat, audax. Pulsavi latus Eubuli; quis ille? quis? Pater Nugo, inquit, primus sine controversia Europæ Theologus: ita novis quotidie sublimitatibus Theologiam fecundat, ut spes sit, omnia propediç probabilia fore. Itanè, inquam, nova Theologia nunc in pretio? Eubulus subridens, in verustis & obsoletis adhuc hæres, postquam beneficio Aristotelis tantum lucis nunc Theologiæ illatum est? Obstupui ad hoc responsum, & regeſturiebã multa. Sed surrexerat interea Nugo infensus, minax oculis, vultu; atque ita inſit.

Non vnum crimen, Sanctissime Prasul, sub nominis tui velamento designare ausus est hic verſpellus, quẽ vides Pontificum prohibitiones conculcare, damnata dogmata ab inferis reuocare, Scholaſticam Theologiam vnicũ fidei fulcimentum, cuiusque Corypheos explodere, Societatem denique noſtram, hoc eſt, munisſimam Eccleſiæ arcem oppugnare impune ſe poſſe credidit, ſi ſacro tuo nomine vteretur. Sed veteratoria Hereticorum artes nimis iam nota ſunt, his præſertim, qui, cum implacabile cum iis bellum gerant, verſutus eorum & ſtrophas omnes exploratas habent. Itaque à Patribus noſtris mox deprehenſus, atque ad Sanctiſſimum Dominum deductus, nouiſimè ad hoc Tribunal tuum cenſendus & puniendus remiſſus eſt. Que dixi ſumma ſcelorum capita libri ab eo editi ita maniſeſtè teſtatur, ut ſuperuacuum cenſeam, de re conſeſſa verba fundere. quod tamen quia ſacere ſuffragum, paucis exequatur Sanctiſſimi Pontifices Paulus V. & qui feliciter hodie præſidet, Urbanus, cum animaduertiſſent doctrinam de auxiliis diuinis tam intellectu obſcuram & tractatu teneram eſſe, ut cuius eam proprio ingenij capiti tractanti in hæreſim vel hæreſeos confinia labi procliveſcit, & dum

quiſque opinionem ſuas tueri ſtudet, contentionem & ſcandalum inde exorta fuiſſe, prudenſiſſime cauertunt, & ſub grauiſſimo cenſuris aliſque poenis prohibuerunt, ne quis ſine Apoſtolica Sedis licentia de prædicta materia aliquid auderet in lucem miſtere aut euulgare. Quod dum pluribus annis ab omnibus, & omnium religioſiſſimè à Noſtris obſeruatum fuit, prodiit in Vniuerſitate Louaniienſi typis excuſum infauſtum huius tenebrionis opus, fruſtrà adiuuente per litteras Internuntio Apoſtolico, ut ſecundum Pontificiæ decreta editio ſupprimeretur. Non ignoro, quid ad excuſationem ſuam obſcendant contumaces, non fuiſſe eaſdem Pontificum prohibitiones ſibi particulatim inſinuatas, nec proinde obligare. Sed pragmatici Curia Apoſtolica ſciunt hoc iure inuolabiliter nos vti, ut Littera Apoſtolica affixe ad valuaſ Basilicæ Principis Apoſtolorum de Vrbe, & in acie campæ Floræ, diuiſis in præſatis locis earumdem literarum copiis affixis obſtringant vniuerſum orbem Chriſtianum. Sed neque hominis temeritas hic ſileſcit: propoſitiones plures à Pio V. & Gregorio XIII. ut hæreticas, erroneas, ſuſpectas, temerarias, ſcandalouas, & impias aures offenſionem immitentes reſpectiue damnatas, circumſcriptas, & abſolitas in lucem reuocare ac tueri eſt auſus. Satiſ profeſſo fuerat Martini V. Academia illius inſtitutori ſucceſſores pronido eiufdem conſilio & veſtigio inſiſtentes à quinta hac Theologia facultate ceteris adicienda in partibus ita ab Vrbe remotis abſtinuiſſe, quam Eccleſia tranquillitatem his iniquiſſimis temporibus toties ab eius alumniſ interturbari. Sed quia illuſtrior & ſanior, ut intelligo, facultatis pars hominiſ audaciam damnat, & pauculi tantum Lanſeniani ex cuniculis leporinis eum deſenſant, omiſſa facultate ad rem ad rem venire præſtiterit. Capita quedam neſaria doctrine in multa

adducturus sum, ex quibus fiet manifestum non aduersus illam, quam dixi. Pontificum damnationem, sed & contra concilia SS. Patres, atque tam in primis doctrinā. Profundissimi Doctor, ac demig; contra Scholasticorum consensum & rationem ipsam plurima ab eo esse scripta. Deū non velle omnes homines saluos fieri; neque Christū pro omnibus mortuū esse blasphemē contra Patrū & Ecclesie consensum atque apertā Tridentini Concilij definitionem asseris, ut nuper a nostris indissolubili syllogismo commonstratū est. Indifferentiam illā tribus iam seculis in scholarum pulpitis decantatam dū reieci, quid aliud quā liberū arbitriū funditus eueris? Opera infidelium & virtutes Philosophorū vera esse vitia tā presidenter definis, ut contrariam sententiā a Sede Apostolica probatam negas, delirū, insaniam, errorem, impietatem contra Scripturā & fidē audeas appellare. Hec aliquē huius commatis dum vniuerso libro inculcas, nihil profecto aliud quā praesentium Lutheri & Caluini succinere videtur: ipsē S. Scripturæ ac eius Sancti. Praesul locis utitur seu potius abutitur: aut hac styli calore & assuetudine summā fiduciā alijsq; prorsus istis Magistris geminus. Infandus, quæ reuli, propositiones cū animaduertes homo vester contra Scholasticorum omnium consensum esse excogitatas, inaudito fastu Scholasticā Theologiam exhibilare aggressus est: ratiocinationes ex Philosophia sumptas, quod ipsi dissolucendis imparē se agnosceret, ineptias ex classibus Dialecticorum petitas, & Theologos sectatores Dinomachi & Episcopi indugitat: in hoc rursū Hæreticis nostri temporis nō abominabilis, quorum familiaris conuersum est, dū veritatis & rationū podere a Catholicis opprimuntur, Sophistas eos appellare.

Quis nescit Ecclesiam Catholicā multis iam seculis Scholasticorum humeris sustineri? infideles rationum probabilitate, quibus iam Theologia collucet, ad fides. Catholicā passim adductos? Hæreticos forma syllogistica energiā ubiq; protractos iacere? Vnum exemplum nō possum non commemorare. Campianus in Anglia aduersus Hæreticos hac iniuncta usus ratiocinatione: si sola fides iustificat, sine charitate iustificat; sed sine charitate non iustificat; ergo non sola iustificat. ita aduersarios perculit, ut cū negare ea, quæ sumebantur, non auderent, id solū occlamarint, vitiosam esse collectionem, quam tamō examinari ad leges dialecticas, quod urgebatur Catholicis, numquā passi sunt. Gregorius noster, cum Hæreticorū quidā hanc formā Iesuiticā diceret, solidē ostendit eā potius Christianā dici debere, ut quā Christus a Apostolis familiarē fuisse tuo quoq; testimonio Dignissime Praesul monstrauit. Quāquā nec negare quis possit multū Societati nostra Theologiam & Ecclesiam debere, quod armorū genere tā necessario diligentius cæteris instruat eius scētia studiosos. Iā ex Physica quis fructus in Theologiam redundet illud abunde magnū est argumentum, quod eius praesidio Doctissimi Theologi nostri Ribera & Lessius capacitā inferni & numerū damnatorū, qui post dū inducitur futurus est, solerter collegerint. Quorū hic Physicis rationibus confirmant nō futuros unquā centies mille millions damnatorū, ac proinde diametru vniū Belgici militaris omnibus sine incommodo posse sufficere. His scientiarum adminiculis destitutus, Iansenius cum ad Theologia fastigium expiari non posset, in scriptis veterum reperere conseruit, ut nouum hoc genus Theologia proceret: quod cū per stragā

Imag.
primi
tze.

cap. 14.
Apocal.
lib. 13.
de mor.
diuina.
cap. 14.

Sebo.

Scholasticorum sibi tuendum esse vident,
eos in primis, quos summum auctoritatis
culmen in Scholis obtinere aduersebat, So-
cietatis inquam nostra Atlantēs, sibi pro-
sternendos esse duxit; Zuarium alierum
Te; Vasquium subtilitate nulli secundum,
Leyssium iam iam inter Sanctos referen-
dum, mirificum populus quem colit ad in-
malum. His alijsq; Resp. Christiane lumi-
nibus nescio quāis offundere nebulas; vi-
risque modestissimis superbiam, sapien-
tissimis periculis hallucinationes, Catholica
fidei defensoribus heresim affingere non
erubescit. Quod in contumeliam quoque
Sancta Sedis & Ecclesia Catholica fieri
quis non videt? dum eos peruersorum do-
gmatū atque adeo hereserū insinuat, qui-
bus summi Pontifices Catholice fidei in va-
riis regnis ab interitu vindicationem, in a-
lijs etiam per immensa terrarum spatia
propagationē acceptam retulerunt, ut sine
vlla instantia nuper à Nostris propugnati
sint, non exiguum prædestinatorū tu
partem quamvis Orbis partem de-
bere Societati. Quid sceleratis Pelagij
dogmatibus Societatem nostram inquinatam
esse, quæ dextrum Ecclesiæ brachium à
Sancta Sede appellata fuit. Quæ per Regij
Varis Psalmum 67. Ecclesia laboranti pro-
missa est, ut solidae demonstrat Velaque
nostræ; atque ab Isaia Propheta cap. 18.
predicta: à Sancto item Ioanne Euangeli-
sta prænuntiata primum cap. 9. Apocal. sa-
tis aperte; ac deinde etiam cap. 10. ubi An-
gelus ille altero pede mare, altero terram
premeus intelligitur Ignatius, cui dictum
est, oportet te iterum prophetare
gentibus & populis & linguis & Re-
gibus multis. ubi & perpetua seculorum
Societatis series designatur, dum dicitur
in diebus votis septimi. Angeli cum
cœperit tuba canere, consummabi-
tur mysterium Dei, Atque ut ad vici-
miora ponamus; quæ à S. Vincentio tractatu

de vita spirit. cap. 19. in spiritu præuisa est:
imo etiam (& hæc velut capitalia aduerbi
velim) imo, inquam, etiam à Ioachimo
Abbate; quanto viro! & sicut propin-
quius, ita adhuc apertius ab Archangelis
Pânigaroia Cienobij S. Martha, cui præ-
fuit, Religiosa: à Francisci Xauerij sorore
Discaleciarum Antistina: à Reinolda
vidua Arnhemienli. Illam & inquam,
quæ ex celo in mundum diuinitus missa &
destinata est ad propagandam: & pronun-
tandam inmaculatam Matripatri Chri-
sti conceptionem; uti Alphonso Roderiguez
à Virgine ipsa inter familiaris colloquia
fuit declaratum. Illam denique? quæ ca-
lestibus præmissa est certior reddita, nemini
ex vniuersis Angelico cœtu tribus prioribus
seculis nisi ad beatæ sedis tuolaturum; id-
que sine ulla Purgatorij remota; cum hoc
sit hominum Societatis privilegium, ut
mortuum Iesuitam obuius Iesus ex-
cipiat: ut ex his perspicuum euadat in
Resurrectionis die multa milia Beato-
rum ex hac sola Societate pares
etines numeratura. Et ut socios aliquot
nostros inuasisset, imperis; certe à Belgica
Societate calamitum abstineri debuerat, vi-
potè quæ sub ipsum S. Ignatij in cœlos
ingressum primum honorarium à
Diuina Maiestate concessum est. Sed
longior non ero in Societatis encomijs re-
censendus, quæ liber noster Sacularis abundè
suppedat; ac finem dicendi facio. si vnum,
quod causa ingulum petit, aduincero. San-
ctissimi Pontifices, uti dixi, Pius & Grego-
rius propositiones plures damnarunt &
præscripserunt hoc pæro, an rectè, nec ne?
Non rectè damnatas esse, nefas est dicere.
Rectè igitur damnatas esse oportet. Unde
infero Lanseny quoque propositiones pluri-
mas pro damnatis habendas esse; quippe
quæ vel iisdem vel æquivalentibus verbis
asfruantur.

Dixerat ardens incitatusque Ac-
cusator,

Positio.
Societ.
Præside
P. det
Kennis
an sac.

Ibid.

Theo-
log. Præ-
fide P.
Ioaghe
anno
sæcul.

Imag.
primi
sæc.

Theo-
log. Præ-
fide P.
Ioaghe
an. sæc.

Idem ib.

cusator, more familiæ suæ nimis
affectibus indulgens.

*Cunctique fremebant
Assensu vario Patres.*

Itaque clamor iis, & confusæ voces.
Canus quidam & caluister inter alios
in Socijs audiebatur. Hunc mihi in
suffurabat Eubulus ex Vasquij discipulus
esse. Nec obolo dignus inquit, huius
hominis liber est; quippe ne vnus quidem
in omnibus folijs syllogismorum habet: Rethor
tantum est, non Scholasticus, adhæc
tam certo hæreticus, atque ego sum
Vasquij discipulus. Alius negabat
Iansenium vilo modo Theologum esse;
quid enim, inquebat, Scripturæ
professio aut Patrū lectio ad Theologia
m? ima ingenia apud nos hanc
prouinciam sustinent. Post Patrem
Cornelium & Tirinū quid superest
in Scriptura nisi compediatio? Erat
qui diceret nam apud Louanienses
constare, à Iansenio ne Zuariū quidem
aut Vasquium, quos tam impudenter
perstringit, lectū. Nuper aiebat, viri
eruditi & apprime in Theologia docti
nec nostri ordinis dicebant, videri à
Iansenio nullum Doctorem Scholasticum
inspectū: vnde per insalubilem consequentiā
sequitur, nec Vasquium lectum nec
Zuarium. Quidam ex turba clamabat
causam hanc iugulatam esse per
sacras Theses Louanij defensas, ad
quas expugnandas duo summi Theologi
Academici conuenissent quidem, sed nec
hilū profecerant. Multæ erant huius
semodi voces. Sed Augustinus, die tu inquit,
Pater Protodeutere, cui patrocinium
huius Rei commissū intellexi. Ad
Protodeuteri nomē subitū silentium
fuit: erat admiratio viri docti, pij &

quod inter omnes constabat, candidi.
Surgit Protodeuterus, *Atque* manum
crucis instar agens sic incipit ore.
Studijs adhuc certatur Sanctissime
Præsul, vinime ex æquo veroque. Ego
nullarum partiū homo sum: itaque mihi
ment est, sine studio, sine odio, quorum
causas procul habeo, rē exequi; neq; alio
quam veritatis auctore meo hanc causā
tueri. Quatuor omnino accusationis
capita sunt: scilicet de auxilijs diuinis
sine Apostolica Sedis licentia à Iansenio
scriptum esse: deinde ita scriptum, ut in
Pontificū damnationē doctrina impingat:
tum Theologiam Scholasticam ab eo
exhiberi à esis: ac postremo famatissimos
Societatis Theologos immerito ab eo
vampulasse. Primum non nisi cōmuni
retundā defensione; eū, qui in alijs dicere
paratus est, omni probro carere debere. Nimirum
scriptores Societatis etiā post eā legem
de auxilijs diuinis cōmentati sunt;
plures ex professis, ut Tannerus, Maratius:
incidenter autē, quod aequē veritū
est pance omni. Dicam quod res est, hoc
scilicet à s. Sede decretū fuit, ut scribatur
Nuntijs Apostolicis, hiq; notificent
Vniuersitatibus studiorum, & Superioribus
Ordinū, ne finant edi tractatus de auxilijs
diuinis. Nunc sine Nuntio Belgico numquam
scriptum sit, sine Louaniensibus ille non
denuntiauerit, decretum adeos non
penetravit. Vnde & alij de eadem materia
ante hac palam scripserunt; atq; adeo
fuit, qui Legato Apostolico commentarium
suum inscripserit. Intervenit, quidē
Apostolicus inuitatus, ut intelligitur,
à socij executionē Pontificiæ prohibitionis
per litteras vrsit, & Vniuersitatē,
quam eātereri iam existimabat, de opere
supprimendo admonuit: sed ex
responsō didicit, legem numquam
insinuatā fuisse, ideo nec obligare. Publicatio

tio in Vrbe sola quam vini aliis edictis
 Pontificiis tribuat præsertim in Belgio, iam
 non disputo. Quotidie intelligimus, quibus
 moribus, qua libertate Gallia, qua Bel-
 gium vivat. Hoc certe decretum, ut ob-
 ligaret, insinuandum fuit, cum ipsum
 disertè hoc exprimat, ut notificetur
 Vniuersitatibus studiorum, quod
 publicatione Romana impletum non est.
 Detecta hac calumniâ, quam certum est
 mala fide structam esse, transeo ad secun-
 dum, atque, ut apparet, palmarium accu-
 sationis caput, Dixisti Nugo, propositiones
 à Pio & Gregorio damnatas à Iansenio
 resuscitatas esse. Non ignoras Tolotum rei
 gestæ, si vllus fuit, gnarum, & Vasquium,
 aliosque Societatis tuæ Scriptores propo-
 sitiones, quas nunc damnatas dicu, aliquo
 sensu tenuisse, tradidisse. Cur hoc in Ian-
 senio accusas, quod in maioribus tuis non
 damnas? Mentem Gregorij Tolotus non
 ignorauit: Vasquius ab eo didicit: uterque
 censuit quarundam non tam doctrinam
 damnatam esse, quàm per id temporis noui-
 tatem & insolentiam: & quarum ipsa do-
 ctrina videri potest reiecta, eas aliquo ad-
 huc sensu veras esse & ipsa diplomata, &
 quos dixi, Societatis Scriptores fatentur.
 Quid igitur peccauit Iansenius, qui cum
 sensum damnationi subducere studuit, quem
 olim Pontifices & Ecclesia duce Prasule
 nostro probauere? Si hoc assecutus est, ut
 cordati omnes Theologi consensu, & tuo mox
 assensu, summe Magister, comprobandum
 expectamus, laudem in id præmium mere-
 tur: si non est, quod pauci tenebroses sen-
 tentiæ, conatus tamen optimus vituperari
 non potest, Scio quid Louanienses Sym-
 pta tui garriant & regeant: perpaucas
 propositiones ex septuaginta nouem veras
 esse: neque alias, quàm duas illas tresce,
 quas Tolotus & Vasquius tradiderunt. Sed
 ô bone, quis spiritus has à cæteris discreuit?
 quis venit, quod in tribus illis factum est, in

aliis reulari: si licuit hoc Vasquius solus sub-
 talitatis doribus instructo excutere, cur non
 & Iansenio ad Lydium lapidè, hoc est An-
 tistitis nostri scripta, explorare. Examinen-
 tur propositiones omnes à Iansenio tradita:
 nulla conuerietur, quàm non ipsam verbis
 aut scriptis Augustine, aut ita euidenter ex
 scriptis tuis eliciatur, ut scripsisse debeas exi-
 stimari. Hanc doctrinâ, cui Ecclesia Catho-
 licæ tot seculis innixa fuit, existimas à Ro-
 manis Pontificibus cæteri posse dinatam, tot
 diris & cæsuris esse proscriptam? Inanè olim
 triumphum Ecclesia pepererit Gloriosissime
 Prasul, si hæc doctrina tuæ bases conuellan-
 tur. Non dubito, quin, quâ valuisti semper
 perspicaciâ, intelligas, per Iansenij tuâ
 ipsius doctrinam impleti. Id quamquâ nunc
 dissimulent peritissimi stropharum architec-
 ti, & verba quadam tua in suos sensus ap-
 tent, ut olim Synodum ipsam vasri inter-
 pretationum commentis coryphaus ille bo-
 stium tuorū elusit: testantur illa voces, quæ
 alibi magis securis, aut non satis aduertenti-
 bus exciderunt: ex opinione Augustini
 cogi nos incidere in sententias Pela-
 gij. Crudelitatem ac truculentiam,
 & desperationis occasione doctrinæ
 eius inesse. Ex Augustini opinione
 concertationibusq; cum Pelagianis
 multos fideles fuisse turbatos, & ad
 Pelagianos defecisse. Non esse pro-
 bandam doctrinam Augustini, sed
 aliter Philosophandum. Quidam cla-
 mant non solum se Augustino aduersa-
 ri, sed & se consentire sententiæ Græ-
 corum, Gallorum, & Massiliensium.
 Quibus egregie succinūt Louanienses Loio-
 lita, dum & in dictatis & in colloquiis suis
 misistat Augustini doctrinam num-
 quam ab Ecclesia esse probatam:
 multa eum cõcionatorio more vltra
 verum extulisse: contra Manichæos
 liberum arbitrium prædicasse, cõtra
 Pelagianos nimium id diminuisse,

Vasq. 1.
 2 disp.
 132. c. 2.
 Catha-
 rinos.
 Molia.
 in cone.
 ad quest.
 21. a. 4.
 & 5. di-
 sp. 1.
 memb. 6.
 Vasq. d. 1.
 disp. 193.
 cap. 4.
 Ozor.
 de Rub.
 & alij
 apud
 Vasq. 1.
 p. disp.
 91. c. 3.

Plura non dubie & apertius addituri, nisi formidine Romani oraculi in doctrinam istam nuper propensis stylium verisissent. Itaque quod maiores eorum ex pectore, hi intra dentes muscivari. Atque ad paulatim versatili in omnes dolos ingenio decenterant, ut quam doctrinam illi recte a fronte Augustino contrariam asseuerant, hi consentaneam esse quia tempus & occasio ita postulant, affirmare ausit, & ostendere moliantur. Iam que ad infamandam viri doctrinam exempla attulisti, nullam desiderarent responsionem, si integra, & quo ipse scripsit, sensu representasset. Redde ei verba sua, & euanescet calumniæ tuæ. Negare ais Iansenium, Deum velle omnes homines saluos fieri. Nemo Christianus hoc negat, quod apertis verbis Apostolus scripsit. Interpretatus vero ipse est non suis, sed Præsulis nostri verbis: ita intelligere debemus, quod scriptum est, qui vult omnes homines saluos fieri, tamquam diceretur, nullum hominem fieri saluum, nisi quem saluum fieri ipse voluerit; non quod nullus sit hominum, nisi quem saluum fieri velit. Quæadmodum dicimus per vnam ianuam intrare omnes; non quia omnes intrant, sed quia nemo intrat nisi per illam. Quem intellectum & Angelicus Doctor noster ad eum Apostoli locum cum Prospero, Falgerno, & Anselmo probauit. Scio diuersam vestris interpretationem attulisse, ut videlicet Deus omnes saluos velit, quæcum in ipso est, si modo & illi velint. Quæ ab hostibus gratiæ conficitur, & à te constanter reiectam, Sanctissime Præsul, non ignoras. Christum pro omnibus nostrorum suæ dedisse se redemptionem pro omnibus de omni hominum genere & præter sufficientiam rectum Diuinitatis Doctor, & secundum Prosperi sensum, ad quem Synodus Tridentina lectorem remittit, Iansenius exposuit. Adulteram autem expositionem iuxta no-

biscum repudiasti, ut redemptionis proprietates ac redimentis intentio ad eos quoque pertineat, de quibus ipse dixit, non pro mundo rogo. Meministi scripsisse te, non petit vnde ex illis, pro quibus mortuus est Christus. Et alibi hunc locum exponens; conclusit omnes in infidelitate, ut omnium miseriatur. Quid est omnium? & eorum scilicet, quos ex gentibus, & eorum, quos ex Iudæis prædestinasti, vocasti, & iustificasti: non omnium hominum. Syllogismus autem ille, quem iactas, à meo Dialectico, si distinctionem Prosperi teneat, dissolui poterit. Voluntatis indifferentiam & gratiæ efficiendam eodem intellectum Iansenius tradidit, quo etiam post Tridentinam D. Thomas discipuli, ut scilicet voluntas gratiæ instructa in sensu diuino possit adhuc nod agere, & à gratiæ disferre minimè in sensu composito. Sine gratiæ tantum arbitrium nostrum tantum ad peccandum valere: cum eadē insuperabiliter & indeclinabiliter in bonum agi, & agere tam luculente per omnia tua scripta diffusum est, ut cecum esse oporteat, qui id non videt. Tunc vndique impetrat de sublata libertate calumniis nec latum vnguam ad hac doctrinam descendendum censuisti, ne hac basi nutante vniuersa machina collaberetur. Hæc est lapis angularis doctrine tuæ, lapis offensionis hostium gratiæ & deceptorum liberi arbitrii; quo immo omnia constant reuulso omnia labuntur. Reuelli autem non potest, quando Pelagianorum victoriam te Duce Ecclesia proficitur. Atque hinc etiam pendet quod postremum de operibus infidelium attulisti Ningo, quod tanta vbique fiducia Præsul noster asseruit, ut contrariam doctrinam erroris, insanie, impietatis, aliisque illis titulis insignieris, quos inuidia concitantia causa Iansenio ascriptisti. Si propositiones, quæ nuper à Sede Apostolica

Epist. ad
Euod.
102.

Lib. 11.
de ciuit.
Dei. cap.
24.

In Eucharistia,
cap. 103.

damna-

damnata dicitur, cum hac doctrina consonans, alio sensu damnata sint oportet, nisi, quod nescis est dicere, eandem secum pun-
gnare velimus. Et verò plures istarum pro-
positionum sensus esse, & in aliqua suslineri
eas posse, ipsa Pontificia diplomata sonant:
licet id temporis vi offensionis causa vetita
fuerint: quod eo minime pertinere censend-
um est, ut sanctissima doctrina perpetua
obliuione sepeliatur. Tertium accusationis
saporis peraeque calumniosum est. Quid enim
ais? S. scholasticam Theologiam à Lan-
senio damnare? utrum ille nūquam damnauit, sed
abusum. Facendum est enim, Eruditissime
Magister, eo iam ventū esse hoc doctrina ge-
nere, ut vetus & germana Theologia in
scholis tantum non obruta sit & sepulta.
Pulpa omnia plusquam Chrysippaeis sub-
tilitatibus perstrepunt, de formalitatibus,
relationibus, notionibus, quidditatibus, aliis-
que sexcentis nugis, quas ex scholis Philo-
sophorum adferunt, qui magnam etatis par-
tem ibi contriuisse debent, antequam Theo-
logia adnoscatur. Sunt qui syllogismis a-
liquot & distinctionibus instructi audens
incunctanter cum quouis qua vis dere ma-
num conferere; hominum genus quouis are
didoneo loquacius, quorū vnus quinis cum
vicenis doctū mulieribus garrulitate cer-
tare possit. Atque interim his suffugiis inu-
niti nec vulcanis vinculis sic possunt irretiri,
quin dexterrime elabantur, ac nodos omnes
ita facile secunt, ut Tenedia bipennis nō pos-
sit melius. Apostoli &, qui his propinqui
fuerunt, confutaturi Ethnicos Philosophos
& Iudeos suapte natura pertinacissimos, sed
vita magis ac miraculis, quam syllogismi:
nunc humanis ratiocinationūculis & ipsorū
Ethnicorum argutis credunt hanc rem mel-
lius confici posse. Scilicet quis Ethnicus, quis
Hæreticus non continue cedat tot inuictissi-
mis syllogismis? quis tam frigidus, quem illa
non inflamment acumina? quis tam stupi-
dus, ut talibus non excutatur aculeis? quis

tam oculatus, ut hac illi non maximas of-
fundant tenebras? Si quis me iocari dixe-
rit, sciat à doctis omnibus non aliter quam
risu hac exhibiliari solere. Atque interim viri
suauis existimant, se vniuersam Ecclesiam
alioqui riuuram non aliter syllogismorum
fulcire sibi cunibus. quam Atlas caelum hu-
mueris sustinet apud Poetas: & elati subtili-
tatis tamquam ipsi tertium incolant cœ-
lum, ita reliquos mortales omnes, velut hu-
mi reptantes pecudes, despiciunt & prope
commiserantur. Dolcant potius se in affini-
tatem incidisse cum his, quorum gloriatio
erat, suos per syllogismorum spineta
disputando & philosophando decur-
rere. Iam quid perniciosius in moralibus,
quàm quod in hoc omnes incubant, ut Ari-
stotelicū qua piā ratiocinatione omnia pro-
habilia reddant: eoque res deuenit, ut vnus
quoque hominū subtilitas probabile possit
reddere, quod sequi liceat cuius, quamuis
contrariam sententiam conscientia eius ve-
ritas dicat. Cupiditatibus hominum tan-
tam fenestram hoc Theologia genus aperuit,
ut iam prope nihil sit, quod non integra, ut
existimant, conscientia perpetrari possit.
Cum Nazianzeno dicere audeo. Philosophi
in Ecclesiam tamquam quædam
Ægyptiacæ pestes irrepserunt. Et cur
quasio tamquam pestes? Ex Tertulliano ra-
tio peri potest: quiduis struere & de-
struere docti sunt. Huic malo noui aliud
paratum remedium est, quàm si sobrie &
cum modo haberi Philosophia cæperit, &
Theologia studiosi ad veterum lectionem ac-
tua præsertim volumine, Doctissime Prasul,
reuocentur: quod dum facere conatus est
Lansenius quid commertus? imò ver. mul-
tatione de Ecclesia ipsa mirruit. Postremum
caput, quod encomiis Societatis totum tu-
met, non alio concilio adieciſſe mihi videris,
quam ut occasione tibi formares, laudes
suorum hinc confessui ingerendi. Metus
forſan, ne quis adhuc reperiatur, qui sæcu-
larem

larem librum vestrum (profecto enim Ecclesiasticus dici non potest) non legerit: quem tamen etiam in vernaculam linguam, ne plebs virtutum istarum ignara esset, magno omnium fructu translatus: addito tamen infando mendacio, nisi restrictione mentali excusetur, Iansenij nouum opus, seu, vt olim vestra phrasi vtar, fatida vaccarum caduca à Pontifice esse prohibita. Vaticiniis & predictionibus, quas in medium adduxisti, quisque tribuet, quod volet? & si quis etiam altera plura desiderat, legere poterit B. Heldegardis predictionem apud B. Bonum relata, vbi non pauca in Societatem conueniunt. Sed hac quia à proposito aliena sunt & vt quibusdam videri potest, anilia delramenta viris indigna: præteribo. Ego Societatis institutum saluberrimum agnosco: viros in ea doctissimos extitisse non nego: Molinam, Bellarminum, Zuarium, Vasquium, Lessum, aliosque suspicio venerorque: sed expertes errorum fuisse, dum Philosophia duce in arcana Dei penetrare voluerunt, nunquam concedam. Erroris autem notari veritatis semper interfuit. Sed grauius, inquires, quam par erat, doctissimi viri perstricti sunt. Verum dictum est, qui, quæ vult, dicit: quæ non vult, audiet. Quid illi in Autistitem hunc nostrum primi effuderint, cogita: ac deinde si quid inclementius à Iansenio dictum occurrat, scias non dictum esse, sed responsum, quia læserunt prius. Obiectione pro solutionibus arreptas esse cur aperire non liceat, si factum est, vt ipsa rei euidencia ostendit? Subtilissimi viri mente mille abstractionibus occupata obiter tamquam cætes ex Nilo aliquid ex scriptis veterum libarunt: & non existimant humani aliquid sibi potuisse obrepere? ferant hoc ab eo, qui ætatem totam huius Magistri scriptis se immergit, & sanctissimam doctrinam alissimè inbibit. Epilogus tuus, quem cornuta argumentatione tamquam valido arcte munusisti, vides ex his, quæ supra

disserui, quàm infirmum esse. Nemo in dubium reuocat Pontificiam damnationem: at, quænammodum ostendi, non omnium propositionum doctrina, sed quarundam insolentia damnata est: non omnium omnis sensus: certè non ille, quem huius Benedicti Doctoris atque Ecclesiæ olim fuisse potest demonstrari. Itaque vt finem dicendi faciam: existimo non de Iansenij opere hic agi, sed de sua ipsius doctrina, Sanctissime Presul imo vero de ipsa veterum Pontificum & Ecclesiæ sententia, quæ vt in capitalibus dogmatibus conuellatur, Spiritum Sanctum huius conueniens presidem prestitemque nunquam admissurum scio.

Magni huius & docti Magistri, & quod cõstabat inter omnes, minimè factiosus oratio perculit animos: & plerique succlamarunt illud tritum; omnes, omnes. Præsules certatim de subcellis suis deuolarunt, & Iansenium amplexari sunt; rapuerunt quæ Virum ex Ætolorum frustra frementium manibus ad se, ac iuxta se locum dederunt. Omnium deinde ora in Augustinum conuersa postremum ab eo oraculum expectabant. Silentium altum fuit, cum ille in hæc verba fatur.

Videò huic Fratri meo euenisse, quod mihi olim factum est. Si scripta mea, quibus error Pelagianorum impugnatur, infamantur nostrorum etiam quidam, dicentes me liberrimum arbitrium penitus submouere, & sub gratiæ nomine necessitatem predicare fatentem, cum tamen noscerent, Romanam, Africanamque Ecclesiam, & per omnes mundi partes vniuersos proniusionis filios cum doctrina mea sicut in tota fide, ita in gratiæ confessione congruere. Sed non hæsit cur ista dixerint: voluerunt enim in sua iustitia magis, quam in Dei gratia gloriari. Nunc rursus Philosophi huius mundi ar-

Prosp.
in epist.
ad Ruf.

Aug. ep.
106. ad
Paul.

Lib. 1.
cōt. Iul.
cap. vii.

Epi. 120.
cap. 37.

Lib. 6.
cōt. Iul.
cap. 5.
Lib. 3.
cap. 2.

Lib. im-
per. op.
t. 243.

Lib. de
gat.
Christi
cap. 47.

gute defendentes naturam & liberum arbitrium offenderunt in lapidem offensionis; illi pre ceteris (quod dolendum!) qui omnia ad maiorem apud Deum gloriam referunt; ac tales quos non facile contemnas, sed continenter viventes atque in bonis operibus laudabiles. Sed manifestum est in hoc non Dei spiritum habere, at mundi. Itane vero contra Ecclesiam Matrem vestram rationculis vestris quasi parricidalibus pugnuiculis debetis armari? Hoc scilicet est acumen vestrum? hec Dialectica artis astutia? Circutis querendo Dialecticos, & vitandos Ecclesiasticos indices. Neque vos iuvat, quod ita sententias vestras temperastis, ut nostrae possent videri. Potuit & Pelagius ita se latebris obscuritatis involuere, ut etiam is, quae à S. Ambrosio conscripta posuimus, consentire se diceret, & ea se quoque sentire proclamaret; atque ita singula conaretur exponere, ut etiam eius sententiae congruere viderentur. Cardinem contentionis vestrae eundem, ac olim, esse video de libero arbitrio & gratia potentia. Huius vero sensus rei, quem non tam meo, quam Ecclesia nomine promissum, cum à duobus cōsilijs Numidia & Carthagini mihi scribendi provincia mandata fuerit, nobis obscurus esse non potuit. Clamabat & tunc Inhauu: libertas arbitrij in admittendi peccati & abstinenti à peccato possibilitate consisti. Item, liberum non est, nisi quod duo potest velle, id est, bonum & malum. Rursus, peccatum non esse, nisi voluntas illo ipso tempore, quo peccat, potestati habeat recedere à malo. Stultum & prophenum me appellabas, quod liberum vocarem, quod nisi unum velle non posset. Replicanti, liber ergo Deus non est, qui malum non potest velle. Atque in totum ita saepe definiui: fides Catholica neque liberum arbitrium negat siue in vitam malam, siue in vitam bonam; neque tantum es tribuit, ut sine gratia valeat aliquid. Ac passim: liberum arbitrium ad malum sefficit,

ad bonum autem: nihil est, nisi adiungetur ab Omnipotenti Deo. Rursus: errasse eos qui putant nullam esse necessitatem peccandi, aut hanc non intelligunt illius peccati esse poenam, quod nulla necessitate commissum est. De gratia potentia huiusmodi scripsi: Deo saluum facere volenti nullum hominis resistit arbitrium: sed ad seipsum omnipotentissima facultate conuertit, ac volentes ex nolentibus facit. Indeclinabiliter & insuperabiliter diuinitati homo agitur: ea à nullo duro corde respuitur. Atque cum his velle consistere censui; consentire vocationi Dei, vel ab ea dissentire propria voluntati est: & quae in eandem sententiam exponi nunc audio. Deum velle omnes homines saluos fieri ita Pelagius & Iulianus exposuerunt; si accedant ad eum; seu si & ipsi velint. Eos secuti Ephesenses, ut ad Timotheum Hilarius scripsit, expositionem meam non susceperunt, ut eos tantum Deus veli saluos fieri, qui ad Sanctorum numerum pertinebunt, sed omnes omnino, ut nullus habeatur exceptus. Hunc sensum, etiam vestrum Accusatores, ita tunc resutari: si Deus omnes vult homines saluos fieri & in agnitionem veritatis venire: atque ideo non veniunt, quia ipsi nolunt; cur tot millia paruulorum, qui non percepto baptismo moriuntur, non veniunt in regnum Dei? numquid aut homines non sunt, ut non pertineant ad id, quod dicitur, omnes homines aut aliquis potest dicere: Deum quidem vult; sed ipsi nolunt; qui nondum velle, vel nolle ista nouerunt? Alii adhuc sensum meum sic apperui: ita dictum est, omnes homines Lib. de vult saluos fieri, ut intelligatur omnes cor. & predestinati; quia omne genus hominum in grat. c. eum est. Expositionem à Protodeutero allatam etiam probavi: vestram à socijs constanter respici. Eodem sensu Christum pro omnibus mortuum docui: scilicet nisi Deus Filium suum propter prescitos & predestinatos vocandos, iustificandos, glorificandos.

Lib. 02.
imp. f.
155.

De cor.
& grat.
cap. 14.
Epi. 107.
ad Vit.
De cor.
& grat.
cap. 14.
Lib. de
prædest.
Sanct.
cap. 8.
Pelag.
epist. 2.
ad Tim.
cap. 2.

Lib. 4.
cōt. Iul.
cap. 8.

Lib. de
cor. &
grat. c.
13.

Serm. 6.
de verb.
Apost.
cap. 8.

Quando enim peris, qui sanguine Christi redemptus es? Potens homo non potest perdere, quod emit auro suo; & Christus perdit, quod emit sanguine suo? De ignorantia inuincibili tenete, quod olim inculcaui. Si quis bonum putauerit esse, quod malum est, & fecerit hoc putando utique peccat. Et ea sunt omnia peccata ignorantie, quando quisque bene fieri putat, quod male sit. Alibi quid appetendum, quid faciendum sit, quanto labore discitur? qui autem nesciunt, ipsam boni appetendi, malique vitandi ignorantiam patiuntur peccandi necessitatem. Pro infidelium operibus urgebat me Iulianus: si Gentilis nudum opernerit, numquid, quia non est ex fide, peccatum est? Respondi: prorsus in quantum non est ex fide peccatum est; non quia per se ipsum factum, quod est nudum operare, peccatum est: sed de tali opere non in Domino gloriari solus impius negat esse peccatum. Alibi aperte definiui: omnis infidelium vita peccatum est. Voluntas infidelis arbor est mala, quae non potest facere nisi fructus malos. Quidquid boni sit ab homine; & non propter hoc sit, propter quod fieri debere vera Sapientia praecipit, ipse non recto fine peccatum est. Videtis igitur filij, quomodo deus astis: obliquo multos iramantes & extricabiles cecidistis. Passimini ut fragilis & arguta nomitas vestra Sanctorum Patrum auctoritate conteratur: atque haec imprimis doctrina, quam Romana sequatur & seruat Ecclesia.

Summo applausu omnium accepta fuit Augustini Oratio: solis freudentibus Socijs, & aduersus hanc Lunam clamose latrantibus. Raucus vnus ex eorum turba; hoc hoc est, inquebat, quod augurabar & dicebam non debuisse nos venire ad

hoc tribunal hominis nimis rigidi & exacti & probabilitatum nostrarum ac Philosophiae osoris. Interibi non continuit se Prosper, quin melos suum rursus effunderet.

Insano veterem renouatus ore querelam, Omne opus arbitrij sublatum vociferantes:

Nec vitij poenam debere, aut pramiam laudi,

Si vel naturam obstrictam mala velle necesse est,

Vel nostro ascribi nequeunt bene gesta labores.

Gratia, qua Christi populus sumus, hoc cohibetur

Limite vobiscum, & formam hanc ascribitis illi,

Ut cunctos vocet illa quidem, inuitetq, nec ullum.

Prateriens studeat commanem adferre salutem

Omnibus, & totum peccato absolvere mundum,

Sed proprio quemq, arbitrio parere vocanti,

Iudicioq, suo mota se extendere mente

Ad lucem oblata, quae se non subtrahit ulli.

Sed cupidos recte inuat, illustratque volentes.

Omne opus arbitrio vultu subsistere vestro

Et quod non cuncti mortales atria vitae

Ingressi sunt, ita ex ipsis pedere putatis,

Ut tam ex iudicio constet cuiusq, quod intrat.

Quam quod non intrat: seu par in vtrumque facultas.

Suppetat, ut tam sit proprium bona, quam mala velle.

At contra; omnipotens hominem cum gratia saluet,

Ipsa suum consumat opus: non moribus illi

Epi. 13.4.

Lib. 4.
cont. Iul.
cap. 3.Lib. 2.
cont. Iul.
cap. 9.
Ioan. 2.
de doct.
Aug.

*Fis moras; non caussis anceps suspēditur viliis.
Omne etiam probitatis opus, nisi semine
vera*

*Exoritur fidei; peccatum est, inque erratū
Peritur, & sterilit cumulat sibi gloria pœ-
nam.*

*Quodque caput satis est, males vt tota re-
surgat*

*Pelagij. Motus hoc olim, quod tota nefanda
Hæreticos summa exigua sub parte trega-
tur,*

*De qua plena mali labes renouetur, &
omne*

*Conimenti corpus per singula inembra re-
surgat.*

Recteatis omnibus poematis sua-
uitate conuentus solutus est: solis
Sociis caperantibus frontem ad stre-
pitum huius lyrae. Maluissent, in-
quit Eubulus, oden aliquam ex Ima-
gine primi sæculi audire præsertim
ex capite de Societate honorata.

Vt ex domo læti prodiiimus: Eu-
bulus ad me; vidimus qui hic actum
sit Hipponē: tumodō narra, quid
Louanij in ea re factitatum sit. Lo-
uanij, inquam, eodem res loco est,
quo hic Hipponē; Sociorum scilicet
causa in medio est luto. Magistri ta-
mē Academici inter se dissecti sunt.
Quidam neutri se parti associant,
omnes illas disceptiones nec vnus
æstimantes assis. Prudentiam alij in-
terpretatur, quod neque consulum
censeant, crabrones irritare; aut ante
Romanam definitionem alterutri
parti se adiungere cum periculo cō-
demnationis. Alij ad Librum legen-
dum verentur ingredi, ne ab imbibi-
tis suis sententiis distraherentur. Sunt,
qui in Libri doctrinā splendidissime
bilesunt: & hi puri Aristotelici, pu-
ti Scholastici sunt. Merito ergo tu-
multuantur, ait Eubulus; nam si do-

ctrina Ianseniana inualecat; ac illud
imprimis; quod vult omnia ex Patri-
bus esse hauriēda relicto Aristotele;
ne grij quidem in Theologia scient,
tamque ab elementis discere cogen-
tur: quod eninuēro cāno capiti est
indécens. Rem acutētigisti, inquam.
Porro sunt, qui Librum defendant
acerrimē: inter hos alij calidi, alij
frigidi, alij cynita mordacitate for-
midabiles: atque hī per pontem stratum
ad metam suam scopumq; per-
ueniunt. Feruēt opus; stringuntur
vitrimque calami. Intellego, inquit
Eubulus, aduersus Iansenium factas
& solennissimas Theses esse editas.
Ita, inquam, sacras quidam accipiūt,
quemadmodum apud Virgiliū *auris
sacras fames*, hoc est scelestas. In matu-
dina disputatione tumultus leuis fuit
ab vmbis Iansenianis. Intererant
Magistri duo, Viri scripti clarissimi;
quorum alter plaustrum librorum
conscriptit de omni penē argumēto,
atque inter eos quidam vnus folij
sunt: alter de ente rationis & capitali
illa syllogismorum materia cōmen-
tatus ostēdere potuit, quātus Theo-
logus mox sit futurus. Pauci Reli-
giosi aderant; quia citati libello fa-
molo ad licentiam veteris comœdię
noluerunt spectatorum numerum
augere, lætitarunt inter suos Socij
rogatos & preñatos fuisse à Iansen-
ianis, ne irēt. Oblatus est etiā libel-
lus Serenissimo Principi à Celeber-
rimo Vasquij discipulo, quo contēdit,
ne Ianseniani operis patrocini-
um suscipiat: sed necdum impetra-
uit paragraphen. Rescripsit Typo-
graphus Querimoniam, & sale mul-
to Socios defricuit. Responsant hi
rursum variis libellis strepētes tam-
quā cicadæ alis correptæ: modo liti-
gantes

gigantes meretricularum instar, & eadem verba regerentes: modò minutas aliquas refrigerantes libellulis pluribus, omnibus tamen in folio, vt cum Thesibus compingi possint; & ideo etiam appellare pergunt siue apologeticas, siue additionales; vasserimo scilicet commento! Pater Viuerus neruossimum & ingétem commentarium edidit cui titulum fecit *ad rem, ad rem*. Sed alij literas verterunt, & res olida in risum abiit. Aliorum Ordinum Religiosi tacent hæcenus, & ludi spectatores sunt: nisi quod Candidus Ordo primum lapidem cœpit iacere in adulteram attritorum doctrinam. Sed mirandum de Augustinianis; cur ipsi Augustino suo offerendo non ardétius allaborant. Malè fortassis eos habet, inquit Eubulus, quod homo vnus non Eremita melius Augustinum intellexerit, quam ipsi omnes. Fortassis, inquam. Adde, quod ex mantica viuunt, propitios debeant habere Socios apud omne hominum

genus gratiosos. Quid? an non inquantur vitiis in summo dignitatis gradu constitutis; se posse illos Societati aduersantes dignitate exuere? Ita omnes potentia sua terrent, ne causæ Iansenij faueant. Et versutè omnia obseruant, explorant: nihil in conuiuuiis, nihil in accubationibus epularibus garritur, nihil in conuenticulis, quod ipsi per suos non resciant. Sed hoc lepidum Eubule. Qui de Ethica aliquid cōmentati sunt, valde ægrè ferunt Iansenium; quod Ethnicorum omnes virtutes conuincat esse peccata. Ergone sic tota nostra, inquiunt, euerteretur Ethica? Querela hæc ad Petermannorum aures accidit. Et præ aliis quidam solutior lingua, cereuisiaque rubens; si Ethica, inquit, vestra, ô boni, euerfa est; superest aliud (quod sua lingua vocabat drinckikam) hoc nobiscum exercete: & simul cantharum cereuiartum obrulic.

Disillere omnes risu bibulissima turba.
 Et mihi præ risu Somnus solutus est.

F I N I S.

PARISIIS, Anno M. DC. XLI.

